



**L**Aurētius in Franconia Orientali natus est anno 1491. Erat is felicissimo ingenio præditus. Itaq; bonis literis operam dedit, & in uirum maximum uigilanti studio peruenit. Nam & Orator, Historicus, & Poëta celeberrimus extitit, atq; linguarum peritissimus fuit. Itaq; Herbipolēses præfules eum ob uirtutes plurimum dilexerūt, & inter suos consiliarios elegerunt. Ab ijs etiam Laurentius sæpius ad Carolum & Ferdinādum Cæsares legatus missus, quibus ob uitæ integritatem & raram eloquentiam fuit gratissimus. Cum hoc modo tribus episcopis ordine suam operam præstitisset, atq; ob singularem doctrinam sibi magnum nomen comparasset, tandem anno ætatis 60, salutis uerò 1550 obiit, & Vuirzburgi in cathedralis Ecclesiæ ambitu honorificè sepultus fuit. Anon.